

5

DISSERTATIO MEDICA  
INAUGURALIS,  
DE  
DIGESTIONE.

QUAM,  
ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, SS. T. P.  
ACADEMIÆ EDINBURGENÆ PRÆFECTI,

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subjicit

JOHANNES LUDOVICUS MANGET,  
Civis Reipublicæ GENEVENSI.

Ubi ad cibum ventum est; nunquam utilis est nimia satietas, sæpe  
inutilis nimia abstinencia: Sæpe, si qua intemperantia subest, tutior  
est in potione quam in esca.

CELSUS.

Prid. Id. Junii, hora locoque solitis.

EDINBURGI:

Apud BALFOUR et SMELLIE,  
Academiae Typographos.

---

M,DCC,LXXV.

Mr. Dennison

from his Friend & Fellow - Candidate

The Author.

JOHANNI JACOBO MANGET, M. D.

G E N E V A E.

PATER CARISSIME,

*Intra perpaucas septimanas conscriptae sunt  
insequentes paginae ; de quo tempore alia ne-  
gotia, nec non frequenter perturbata corporis  
valetudo, multum detraxere. Quaecunque  
tamen opus sit, ne dedigneris ; sed, ut reve-  
rentiae amorisque filii erga patrem testimo-  
nium accipere velis.*

JOHANNES LUDOVICUS MANGET.





# DISSERTATIO MEDICA

D E

## DIGESTIONE.

**B**REVI periret corpus animale, nisi jacturae quas constanter patitur repararentur alimentorum ope, quae ad sumenda molestis sensationibus, *fame* et *siti* dictis, omne animal inducitur.

Utraque sensatio haud dubie est affectio nervosa; verumtamen inest differentia, de qua nunc dicendum.

*Fames* ad ventriculum merito refertur; vix unquam occurrit nisi ventriculus sit vacuus; hoc sine controversia ab omnibus conceditur: Quoad vero proximam causam stabiliendam, surgit difficultas.

A

Gene-

Generalis opinio fuit, famem oriri ex rugis tunicae villosae ventriculi sese invicem libere fricantibus. Huic responderi potest, minori sensibilitate pollere nervos, cum suo naturali statui permittuntur, ut fit cum adest inanitio ventriculi; majori autem, cum tensione gaudent, ut fit cum alimentis repletur ventriculus. Si igitur frictioni fames adscribitur, acrius obtinebit ante cibi solutionem; quia alimenta, licet jam in molli statu cum in ventriculum descendunt, ad stimulandas nerveas fibrillas longe tamen aptiora essent, quam rugae ipsae. Praeterea, si iis rugis concedimus vim famem excitandi, alia surgit solvenda difficultas, scilicet, quomodo irregularia famis phaenomena excitari possint? Res enim ab omnibus nota est, famem nunc oboriri, nunc evanescere, rursus redire, &c. Sed, ex praesenti hypothese, fames continenter adaugescere deberet, prout evacuatur ventriculus.

Sunt alii quibus placet oriri famem ex stimulo quem praebet quidam liquor in ventriculo secretus. Is stimulus liberius agere dicitur,

dicitur, cum liquoris efficacia non impeditur alimentorum praesentia.

Haec opinio quidem optimam solutionem dat exquisiti cruciatus quem interdum patiuntur famelici; sed obnoxia est eidem objectioni ac prior, scilicet, constans et regulari incrementum subiret fames ex causa continenter agentis.

Hanc theoriam tamen haud rejicere velim; sed, ex supra dictis, mihi videtur probabile, stimulantibus causas non per seipsas sufficere ad famem excitandam, et eas accedere postea tantum: Idcirco\*, primos sensus famis absentiae stimuli in ventriculo adscriberem, quae sensatio quamplurimum consuetudine afficitur; deinde, si persistat fames, ac vires acquirit, ad quamdam internam, et non rite cognitam, actionem ventriculi recurrere possumus.

Famem urgent et excitant robur corporis, robur peculiare ventriculi, labor omnis generis quo corpus exercetur; eo magis, si  
praeterea

\* Dr Duncan's lectures on institutions.



praeterea in frigido aëre sumptus fuerit nervorum major sensibilitas famem quoque auget.

Sensus quidam rosionis in fame percipitur. Omne famelicum animal aliquid amittit de suo corpore, ut ex ejus macie videre est non secus ac ejus minuto pondere. Primum adeps evanescit celeritate incredibili desinunt secretiones; immo serpentes absque periculo mordere dicuntur; admodum minuitur sanguinis massa.

Diutius si inedia protracta fuerit, dolores nascuntur vix tolerandi; rumpuntur vasa ita ut fiant haemorrhagiae narium; celeriter etiam mens emovetur; et morositas primum delirium, deinde plenus furor aliquando supervenit, mortemque praecedit.

Datur diversitas inter animalia quoad facilitatem ferendi famem. Animalia quae ex praeda vivunt cibum sumunt occasione oblata tantum; ea famem ferunt ad multo longius tempus. Lupus dicitur ad 5 dies famem tolerare posse: Quin amplius referuntur exempla, in humana specie, hominum, sed potissimum foeminarum



minarum, quae omni cibo quocunque abstinentes per longissimum tempus vixerunt. Quanta tamen hic fides sit facienda? non meum est dicere.

*Sitis* causae minus sunt obscurae. Procul dubio ad nervosum systema referenda est; sed non immediate. Oritur a fluidorum inopia in systematē; si, nempe, nimiae sint excretiones; oritur quandoque ab acido, ac potissimum putrido statu contentorum ventriculi; saepius autem oritur a calore et siccitate oris, faucium, interdumque totius alimentaris canalis; inde fit, ut liquidorum ingurgitatio, quae eas partes humectent, et, in genere, quaecunque substantia refrigerans quae salivae secretionem, et exhalantium vasorum actionem, excitare possit, levamentum quod postulat natura afferant.

Non hic locus est dicendi de remotis causis quae sitim inducere valent. Sunt innumerae: Vel partem tantum systematis, vel totum systema, afficiunt. In priori casu, scilicet, cum non ultra os et fauces obtinent, acidorum usus sufficere potest: In posteriori autem,

autem, si reipsa fit fluidorum defectus vel acrimonia, tunc frequens sed parva quantitate refrigerantium liquorum ingurgitatio fit necessaria.

Datur hic, non secus ac in fame, diversitas, in diversis animalibus, quoad facilitatem sitim ferendi, immo etiam non sentiendi: Carnivora insecta, avesque rapaces, omnino non bibunt; quaedam animalia quadrupeda, quae raptu vivunt, parum bibunt et raro: Ob peculiare causas, quaedam animalia diu abstinere potu, ut *cameli* et *dromedarii*; hi, propter aquae penuriam, quam in ventriculi profundis cellulis inclusam ferunt.

Celerior in genere sitis est necessitas, et intra paucas horas intolerabilis, si praeterea aestuosum accesserit coelum: Mors a siti, per putredinem humorum et febrem acutissimam, nasci videtur.

*Alimenta* eae sunt substantiae quae digestionem fluidorum et solidorum corporis naturam induunt. Ex animalibus, et vegetabilibus, sed raro ex fossilibus, petuntur; ex  
hisce

hisce potius petuntur *condimenta*. (De quibus infra dicetur.)

Sunt animalia quae alterutro prorsus vescuntur, nullo insequente incommodo quovunque. Homo autem a natura ad omnis substantiae alimentaris promiscuum usum destinatus fuisse videtur. Si enim ejus inveniemur fabricam, quae ei inter carnivora animalia et herbivora media est, plane confirmabitur assertio nostra. Sunt ei dentes incisivi et canini, non secus ac carnivoris sunt molares aequae ac phytivoris; est ventriculus ad priorum naturam multum accedens; sed intestinorum tractus longior est quam in iis; et quae intestina crassa dicuntur, ei sunt largiora.

Sunt homines, immo vero gentes integrae, quae vegetabilibus fere omnino vescuntur, et optime valent: Ne ullus est autem qui animalis cibo, ad paucos tantum dies, unice vesci possit absque nausea: Exinde concludi potest, hominem plus ad naturam phytivorum animalium accedere.

Plu-



Plurimum inter se differunt alimenta respectu proportionis nutrimenti quod praebent. Differunt respectu firmitatis texturae qua magis vel minus facile nutrimentum extrahi potest. Differunt respectu majoris minorisve visciditatis, qua difficilius vel facilius ab organis digestivis superari possunt.

Animalia, in genere, majorem nutrimenti proportionem dant, quam vegetabilia.

Animalia ipsa inter sese non multo minus differunt; alia aliis sunt solubilia, alia ad alcaliscentiam sunt proniora. Inter ea quae in cibum recipiuntur sunt pisces; gelatina quidem abundant; sed, cum plerumque sit aquosa et tenuis, minus praebent alimentum. Quae animalia alba sunt carne, totum fere Gallinaceum genus, optimum et saluberrimum alimentum homini suppeditant. Ova, quae inter cibum animale recenseri debent, nihil fere continent nisi nutrientem succum; sed concoctu sunt durissima. Cibus animalis differt etiam respectu perspirabilitatis. Sanctorius invenit, carnem ovinae maxime perspirabilem esse, minime autem ostreas.

Cibus



Cibus animalis maximum robur corpori suppeditat, quod majorem sanguinis quantitatem generat, et eum magis densum efficit. In nimia proportionē sumptus plethoram producit, ventriculo, totique systemati, stimulus est; denique, aut inflammatorios prius ocus gignit morbos, aut infirmitatum semina in posterum relinquit.

Ne ullum, forsan, est vegetabile quod non alimentum alicui animali suppeditare possit. Homini autem delectus fit necessarius; sunt venenosa vegetabilia, sunt nauseosa, sunt amara, quae ad eum alendum nequaquam sunt apta. Ea igitur quae eligenda veniunt sunt dulci et blando sapore praedita; longe majorem nutrientis materiae quantitatem continent; nam probabile est, eam materiam nutrientem potissimum constare ex saccharo, quod, cum quadam olei proportionē commixtum, constituit mucilaginem qui nutrimentum praebet. Haud tamen prorsus sunt rejicienda omnia vegetabilia acris, amari, et nauseosi saporis; quaedam enim ex iis, praeparatione, innocua, immo grata, palato ventriculoque reddi possunt.

In genere, molles et pulposae substantiae ex vegetabilibus concoctu sunt faciles. Contra vero, durae et tenaces sunt difficiles, ac stimulum dant systemati diutius in ventriculo morando.

Vegetabile alimentum, quod vasa et totum systema parum replet, sanae mentis exercitationi favet; cibus animalis autem, gignendo calorem, plenitudinem, &c. ejus functionibus plurimum obstat.

Varietas in alimentis, moderatione servata, non tantum est innoxia, verum etiam, in quibusdam casibus, fit necessaria, alia per alia corrigendi gratia. Est tamen exceptio respectu *lactis* sumpti cum quibusdam substantiis, acidis potissimum.

Praevia ciborum culinaria praeparatio eos gratiores palato reddit, ac eorum solubilitatem plus minusve mutat: Ex cocto nempe animali cibo, ejus succus partim extrahitur, quod aliquid de ejus solubilitate detrahendum debere videtur; sed, ejus alcaliescentia valde imminuta, minus stimulans systemati praestatur. In coctis vegetabilibus, contra, eorum solubilitas admodum augetur ex majori minori-

ve aëris quantitate quam continent extracta  
 gnis actione, non secus ac eorum succo magis  
 evoluto. Nonne idem dici posset (de succi  
 evolutione, scil.) de animali cibo qui ean-  
 dem actionem subiit?

Alia varietas in alimentis plus minusve  
 necessaria considerata venit, servata nempe  
 proportio in potu.

*Potus* solutionem cibi solidioris expedit,  
 et evacuationem ventriculi adjuvat: In-  
 servit quoque favendae chyli mixturae cum  
 lymphæ, quæ ex omni corporis parte reflu-  
 t, sanguinis fluiditatem auget, fluidorum  
 in genere acrimoniam minuit, secretiones  
 promovet.

Omnes effectus potus aqua sola produci  
 possunt; basis enim potus cujuscunque aqua  
 est; et liquores, in genere, eo aptiores sunt  
 ad eos effectus dandos, quo majorem aquæ  
 quantitatem continent.

Omnis potus ad duo genera referri potest.  
 Primo, Puram aquam, vel externarum substan-  
 tarum additione non multum immutatam.  
 Secundo, Fermentatos liquores. Hi sunt magis  
 pungentes, ac melius ad sitim sedandam ac-  
 com-



commodati ; os, fauces, ventriculumque stimulant ; aciditate sua omnem alkalescentem acrimoniam absorbent ; intestina ad contractionem et foecum evacuationem stimulant ; secretiones et excretiones excitant.

In genere, optimus potus cum vegetabili cibo est aqua pura ; et cum animali cibo tantum, fermentati liquores interdum sunt necessarii : Hoc tamen cavendum est, fermentatos liquores plus minusve alcoholis continere. Sunt praeterea plurimae divisiones fermentatorum liquorum quae hic haud considerandae veniunt.

Homini potum non naturalem esse, neque potaturum, si praescripto a natura victu vegetabili contentus viveret, fuit conjectura. Nescio an id fieri posset quacunque regione, et quibuscunque circumstantiis. Haec conjectura tamen confirmari potest singulari casu molendinarii cujusdam in Anglia, qui, postquam ad aetatis annum circiter quinquagesimum laute vixisset, vivendi rationem gradatim mutavit, donec prorsus vegetabilem dietam in usum receperit ; immo vero potu quo-



quocunque abstinuerit, et etiam nunc abstinere; et optime valeat \*.

*Condimenta* eae sunt substantiae ad cibum noxias qualitates corrigendas, vel ad eum gratiorem palato ventriculoque reddendum, accommodatae. Sunt multiplicia: Inter ea recenseri possunt *aromata*, pungentes et fragrantibus substantiae, quae rursus multa genera comprehendunt; de quibus autem nihil dicam. *Sal*, in fere universum usum admittitur; suam sapidam qualitatem optime servat, ventriculum stimulat, appetitum incitat, ac excretionem promovet. *Acida*, inter quae praestant vinum acetum, et succus limonum. *Saccharum* frequenter adhibetur; est gratissimum palato; sed ejus sapor repetito usu vapidus fit; Antisepticum est; etenim observatur febres putridas et contagiosas longe minus frequentes esse a tempore quo saccharum tanta quantitate per universum orbem consumitur. Nimio usu, tamen, dentes vitari dicitur; quomodo id fit, non convenit: Nonne oleosae parti tribui posset, quae majores

\* Medical Transactions, vol. 1,

jores effectus edet, si tenacius adhaereat, ut necessario fit ex sacchari viscositate?

Iis ita praemissis, mihi evolvendus est ille processus animalis oeconomiae quo ingesta alimenta in *chylum* convertuntur, *Digestio* scilicet. Duo phaenomena in digestionem seorsim considerata veniunt, *Solutio*, vel cibi decompositio; et *Chylificatio*.

Diversae fuerunt opiniones de modo quo haec peraguntur; harum praecipuas delineare, ac ea quibus fulciuntur argumenta, evertere tentabo.

Ingeniosus Pitcairne, omni solutione chymica fermentationeque prorsus rejecta, ex suppositione potissimum, menstruum quodcumque in ventriculo animali eosdem effectus operaturum esse in ventriculum ipsum, ad mechanicas vires solas confugit. Omnia concoctionis ciborum phaenomena explicat per triturationem, ope ventriculi, diaphragmatis, musculorum abdominaliumque peractam: Difficultatem, quae sibi objici posset, eandem quam opponit menstrui existentiae in ventriculo; nempe ventriculi tunicas triturationis effectui obnoxias esse, non secus  
ac

ac alimenta ingesta solvit, dicens, raro tunicas ventriculi ad mutuos contactus pervenire; contactus qui fiunt inter cibos atterendos, et ventriculi tunicas exerceri, semper ab iisdem ciborum partibus, sed ab aliis atque aliis tunicarum ventriculi; et amplius, dispendium partium ex contactu vel attritu tunicarum ventriculi absumptarum facillime refarciri a materia nutritionis, cum nihil sit unde reficiantur ciborum partes ventriculi actione abraſae: Inde explicat quomodo diu vivere possint vermes aliaque animalcula in ventriculo, quod motibus suis ab ictibus ventriculi se viva subducant, quos mortua, mortuorumve partes, evadere non possunt.

Vim ingentem organis supra dictis tribuit. Haec est ejus computatio; dicit ‘Potentias musculorum se habere in ratione composita longitudinum, latitudinum, et profunditatum; hoc est, in ratione solidorum homogeneorum, sive ponderum: Atqui medium pondus muscoli tertium pollicis manus articulum flectentis aequat grana 122; summa ponderum musculorum abdominis digestionis aptorum aequat grana 15, 126,



‘ 15,126, jam per propositionem 126. Bo-  
 ‘ relli (de motu animalium) potentia flexo-  
 ‘ ris pollicis aequat libras 3,720; ideoque ut  
 ‘ se habent grana 122 ad libras 3,720, ita  
 ‘ se habent grana 15,126 ad libras 461,219.’  
 Addit postea, ‘ Sed, etsi nullae adhiberentur  
 ‘ in digestionem vires musculorum abdominis,  
 ‘ sufficerent tamen vel stomachi vires rei pro  
 ‘ votis gerendae. Pondus medium stomachi  
 ‘ humani est unciarum octo; adeoque, calcu-  
 ‘ lum instituendo, similem illi superius expo-  
 ‘ sito invenietur potentia muscoli stomachi  
 ‘ aequalis ponderi librarum 12,951.’

Haec computatio admodum est erronea; supponit enim musculorum actionem esse in eadem proportionem ac eorum pondus; quod nequaquam obtinet. Potius pendet ex eorum textura, connexionem, aliisque circumstantiis quae non adsunt in ventriculo humano, diaphragmate, ac, in genere, in organo voluntatis actui non subiectis.

Huic assertioni objicietur forsitan, in avibus signa mechanicae solutionis cibi apparere: Concedam; absurdum autem idem foret ex analogia dicere de humana specie. In avibus,  
 nulli



nulli sunt dentes qui cibum atterant ac comminuant, pariter ac in homine et in aliis animalibus; deinde, earum ventriculus constat ex densis validisque musculis, atque dura et firma membrana intus abducitur; lapillos, praeterea, quaedam ex iis, granivorae aves scilicet, una cum alimentis ingurgitant, qui ad ea commolenda haud parum conferunt.

Suam corroborat opinionem ingeniosus vir observando, melius absolvi ciborum concoctionem in ventriculo sub Jove frigido quam calido; quae res non aliunde oriri potest, quam ab aucta musculari vi et impetu ventriculi, abdominisque comprimentis. Hoc, ut postea dicetur, non magis facit ad unam quam ad alteram opinionem.

Generalis fuit opinio, persolvi digestionem ope fermentationis, quam sequenti modo descripsit Cl. M'Bride \*. Cibus masticatione concisus, et cum saliva mixtus, ad intestinum motum incipiendum paratur; hic motus, deinde, moderato ventriculi calore, imino forsan praecedentis pastus reliquiis, excitatur;

C

sed

\* Experiments on mephitic air.

sed certiori modo a salivae et succi gastrici fermentativa potestate; tunc aër, qui solidas particulas coagmentat, aufugiens, earum unio statim destruitur, ac totum cum digestivis fluidis permiscetur: Postea cibus exit e ventriculo, intrat in duodenum intestinum, ubi omnino immutatur ejus natura bile, succo pancreaticoque additis, sed potissimum fermentativo motu etiamnum pergente, ex quo tandem oritur chylus.

In hac descriptione supponitur vis fermentativa salivae; contra vero, in Ill. Pringelii experimentis, apparet salivam inservire tantum ad fermentationem coercendam.

Hoc deinde fermentationi in ciborum concoctione naturali objici posset, quod omnia experimenta quae ad mixturae alimentaris solutionem, fermentationis ope, imitandam tentata fuere, plures horas postulaverunt; in ventriculo autem, in paucis tantum horis perficitur.

Concedit quidem Pringelius, fautor fermentationis in ventriculo, quamvis vi salivae fermentanti objecerit, manifestam fermentationem haud obtinere in suis experimentis,

nisi



nisi sex horis vel plus post infusionem in phialis; sed supponit lentum et insensibilem motum incipere statim ac fermentantes substantiae conjunguntur; et ex analogia concludit, particulas alimentorum paulo post ingurgitationem a sese invicem disjungi, in chylum converti, lactifera vasa ingredi, ad massam sanguinis convehi, priusquam manifestam fermentationem subeat alimentum.

Sed quid significat fermentatio, si tantum post chylicationem obtinet? An digestioni multum favebit, si adest cum sanguine jam commixta fuerint alimenta? Ille autem insensibilis motus, manifestae fermentationis initium, quid est nisi chymica solutio?

Praeterea, ad omnem fermentationem certus caloris gradus requiritur; in animalibus autem, quorum frigidus est sanguis, sicut piscibus, quam celerrime dissolvitur cibus.

Fermentationis melius explicandae causa\*, dicitur fermentum, vel putrescentem substantiam, in ventriculo constanter inesse, quae cum vegetabilibus ingestis acrescentem fermenta-

\* Cullen's physiology.

tationem producit; ac eam aceſcentiam ruſus evaneſcere.

Huic objicerem, nulla aſeſſe certa indicantis praeſentiae illius fermenti in ventriculo: Quo tamen conceſſo, ſolutionem cibi animalis nequaquam explicat. Alia mitto argumenta, ne, nimis probare volendo, nihil probem.

Praecipuis opinionibus de ciborum concoctione in ventriculo expoſitis ac refutatis quantum in me erat, ad eam quam amplexuſum exponendam tranſeo; quod breviter agam.

Cibus, in genere, ſtatim ac in os recipitur plus minusve, pro duritie, dentium actioni ſubjicitur. *Dentes* autem oſſeae ac duriffimae ſunt ſubſtantiae, utrique maxillae implantatae, cibi dividendi commolendique cauſa; eorum numerus in adulto eſt 32. Utrique maxillae ſunt quatuor dentes *inciviſi* quorum nomen uſum indicat; duo *canini* vel *laniarii* dicti, ad lacerandum cibum inſerviunt; ſunt denique decem *molares*, qui eum in minutiffimas partes reducunt.

Hae



Haec actio dentium salivares glandulas, exhalantes arteriasque stimulat, eorum succum exprimit, ac e cibo pultaceam massam facit. Huc etiam concurrunt varii muscoli, non secus ac lingua, quae mirabili cum velocitate in oris quamcunque partem sese movet. Haec operatio *manducatio* dicitur.

Proxima, *deglutitio*, nempe, est cibi mollem in statum redacti descensus in ventriculum. Via per quam hoc fit *aesophagus* dicitur: Longus est tubus, ad infundibuli figuram accedens, qui ex faucibus originem ducit, et in superiori ostio ventriculi terminatur. Muscularis est hujus tubi fabrica et validissima; ejus fibrae mirum in modum sunt dilatibiles. Linguâ, lateribus sursum ductis, in vasculi speciem factâ, defertur cibus ad fauces, ubi peristaltico motu totius canalıs nunc descripti gradatim ad ventriculum pervenit. Hic tandem perficitur alimenti solutio.

Fluida quae huc concurrunt ad duplex genus referri possunt; ea quae ingeruntur alimenti causa; et ea quae secernuntur in corpore ex communi massa. De priori genere,

nere, supra satis dictum fuit ; nunc superest de secretis fluidis loqui.

*Saliva* oritur ex conglomeratis glandulis, quarum maximae sunt *parotides*, pone aurem utramque sitae. Sunt maxillares, sublinguales, et innumerae aliae minores glandulae, de quibus loqui non necesse est. In homine sano, saliva est minimo sapore, odore, vel calore ; magna fluiditate gaudet ; difficilis est in frigore coagulatu. Ejus specifica gravitas eam aquae paulo exsuperat. Ejus integrantes partes sunt aqua, sal, et minima quantitas coagulabilis materiae. Ejus expressa quantitas est in ratione duritiei cibi masticati, non secus ac stimuli saporis. Saliva, ut jam dixi, cum cibo masticato sese unit, et etiam continue deglutitur.

*Succus gastricus* innumeris ostiis in ventriculo effluit ; ejus natura non bene nota est, ob difficultatem eum colligendi purum. Si enim brevi post pastum petitur, nequaquam certi esse possumus, eum cum alimento plus vel minus non esse conjunctum : Sin autem serius, periculum est ne stagnatione depravetur,



vetur. Ex accuratissimis experimentis tamen, salivae similis admodum apparet, sed paulo magis alcalescens. Est praeterea mucus in toto alimentaris canali secretus.

Omnia haec fluida, cum secreta tum ingurgitata, cibum macerant et molliunt; qui deinde, auxilio caloris, actionis ventriculi, nec non diaphragmatis et muscutorum abdominalium alternanti compressione, fluidam formam assumit.

Hujus processus melius intelligendi causa, quid sit *ventriculus* dicere haud abs re erit. Saccus est membranaceus in abdomine situs, tibiam utricularem figura referens; brevior est ac fere rotundus in foetu; longior autem in adulto. Ad sinistram partem capacior est, ex qua sensim decrescit, donec ad dextram perveniat, ubi satis est angustus. Maxima elasticitate gaudet; ad magnum enim volumen distendi potest; ac rursus, cum evacuatur, ad parvum reducitur. In belluonibus, tamen, ordinariam magnitudinem constanter exsuperat; hic vero videtur destrui contractilitas ex nimia ac frequentiori distentione. Cum inflatur, magis sursum

ver-



versus diaphragma, quam deorsum, turgere videtur.

Ventriculus quatuor tunicis constat, extimâ, quae nihil est nisi peritonaei continuatio, musculosâ, nerveâ, et villosâ. In musculo-fa tunica, duplex stratum fibrarum apparet, longitudinalium, scilicet, et circularium. Sunt duo orificia ventriculi; unum aliquanto superius, aesophago contiguum, *cardia*; alterum vero, in intestinum duodenum desinens, *pylorus* dicitur. Ad hoc orificium fit muscularium fibrarum contractio, quae valvulae muneribus fungitur, et ventriculum omnino claudit, cum distenditur.

Igitur cibus ventriculum ingrediens ejus muscularibus fibris stimulus est, eas dilatat; haec dilatatio alternam contractionem excitat; quae contractio in longitudinalibus, aequae ac circularibus, fibris obtinens, ambas extremitates propius ad se invicem affert, et orificia claudit, ita ut cibus nequaquam exire possit, donec solutio fieri incipiat; tunc cibo, ob fluidam formam, minus spatium occupanti, relaxatur paulatim ventriculus,

et

et repetitis contractionibus fluidissimam partem in duodenum propellit.

Haud credendum, tamen, hanc muscularem actionem ventriculi ullos triturationis effectus edere: Haec constans, immo fortis agitatio, nihil agit nisi melius alimenti partes cum fluidis permiscendo; et consequenter ejus decompositionem magnopere juvat.

Trituratione fermentationeque, tanquam praecipua causa, rejectis et refutatis, nihil sese offert ad ciborum concoctionem persolvendam, nisi eorum chymica solutio: Verumtamen illa fluida quae jam exposuimus vix inter menstrua recenseri possunt; ita ut nihil obstat quin doctrinam amplectar quam nuper tam dilucide explicavit et illustravit Dominus Hunter\*.

Observat ingeniosus author, digestionem mixtae naturae esse processum; quia, licet ex principio vitali pendeat, obtinet tamen post mortem. Affirmat deinde, animalcula, immo animalculorum partes quae vitali

D

prin-

\* Philosophical Transactions.

principio gaudent, si in ventriculum ingeruntur, nequaquam ejus actionem pati, sed, statim ac illud principium amittunt, digestionem obnoxia fiunt.

Ex hoc phaenomeno Dominus Hunter explicat corrosionem majoris extremitatis ventriculi, quae ipsi saepissime apparuit in dissectionibus. Primo conspectu, putavit istam corrosionem antea fieri potuisse, ac mortis fuisse causam; verum, observans eam cum lethalis morbi symptomatis nequaquam connecti, et occurrere in iis potissimum qui subitam et violentam necem patiuntur, mentem mutavit.

In posterioribus experimentis, cum magnam similitudinem percepisset inter eas partes ventriculi partim corrosas, et eas partes cibi quae nondum perfectam digestionem subierant, phaenomenon accuratius explicare potuit; ipsi in mentem venit, illud ex digestionem post mortem obtinente pendere posse; tunc enim ventriculus, vitali principio orbatus, vi istius corrosivi principii non ulterius resistere poterat.

Analogia



Analogia ex piscibus ipsum in ista opinione confirmavit. Pisces, in genere, ut bene notum est, violentam necem plerumque patiuntur, et saepissime cum pleno stomacho: in iis clare patet digestionis progressus; frequenter alios pisces, qui non toti ac eodem tempore corrosivae parti subjici possunt, absque ulla masticatione devorant; tunc una pars devorati piscis plus vel minus dissoluta observatur; altera vero, quae extra eam partem versatur, intacta apparet.

Alterum phaenomenon quod in digestionem considerandum superest, *Chylificationem* dicto\*; quid sit, nomen satis indicat. Alimentum, licet jam ad fluidam formam redactum fuerit, aliam tamen quasi naturam induere debet, priusquam massae generali sese immisceat. Hoc autem novum fluidum *chylus* nomenominatur; ad lactem colore et natura multum accedit; blandi est saporis; levis, ita  
ut

\* Voce *assimilatione* utuntur nonnulli in eandem facie sententiam; alia tamen voce utor, licet minus usitata, omnis aequivocationis vitandae gratia; *assimilatio* enim conversionem alimentorum in materiam animalem proprie significat.

ut sanguini innatet ; paululum acefcens eft aëri expofitus coagulatur. Magnam aqua proportionem, coagulabilem fubftantiam, et oleofam partem, continet.

In inteftinis tenuioribus potiffimum fieri videtur chylicatio, immo forfan in iis folum. Eorum periftaltico motu a maffa alimentari feperatur chylus ; abforbetur lacteis vafis, (ex colore fluidi fic denominatis) at thoracicum ductum, inde ad fanguinis maffam, defertur. Foeculenta pars autem ite fuum pergit per inteftinorum tractum, tandem ano evacuatur.

Converfio cibi foluti in chylum locum habet, five ex animalibus et vegetabilibus, five ex utrifque, alimentum fit defumptum. Hoc confans ac uniformis chyli natura confirmat non fecus ac lactea vafa animalium quae quocunque cibo vefcuntur ; ea nempe albo fucco repleta videri poffunt per aliquod tempus poft pafum.

Sunt duo fluida quae procul dubio a chylicationem maxime concurrunt. *Bilem* *succum pancreaticumque* volo. Hic ex pancreate fecernitur, oblonga glandula qua tranf

transversim super spinam jacet, duodenum intestinum inter et lienem: Muco ex parotide glandula secreto similis esse dicitur; non tam viscidus, sed magis salinus est. Ejus ductus excretorius cum biliaribus ductibus unitur, ac in duodeno terminatur. Copia secreta incerta est; videtur tamen non exigua esse.

*Bilis* hepate fecernitur, ex quo transit in vesiculam fellis, ubi stagnat donec ad usum oeconomiae animalis requiratur. Bilis igitur merito distinguitur in bilem *hepaticam*, eam nempe quae ex hepate immediate fluit; et *cysticam* bilem, eam quae in vesicula fellis reperitur. Viscidus est liquor, fusci coloris, amari saporis, sibi ipsi peculiaris odoris. Non eadem est tamen in quibuscunque circumstantiis; praeterquam quod in quibusdam morbis plus vel minus afficitur, in foetu minimo colore et sapore gaudet. Variat colore, interdum viridis, interdum nigra reperitur; variat etiam consistentia: In genere, viscidior est cystica bilis quam hepatica. Cum aqua, sive ebullienti sive frigida, perfecte sese miscet, non secus ac cum lacte;

cum



cum oleo autem sese miscere negat. Spiritu vini et acidis coagulatur; inde viridem assumit colorem; moderato calori exposita, magnam evaporationem patitur. Ex aquae larga proportionem, salina, coagulabili, et colorifica materie, constare videtur. De hac coloranti materie diversae fuerunt opiniones; quidam ferro; Cel. Maclurg autem, plurimis experimentis nixus, eam, nec non ejus saporem, tribuit phlogisto. Maxima apparet analogia bilem inter et sanguinem.

Hic rursus confirmatur opinio nostra; scilicet ex bile acidis coagulabili; si enim fit acetosa fermentatio, ut contendunt multi, acetum fluidum e pyloro exiens bilem in duodenum fluentem coagulabit; hoc autem in sano statu non accidit. Nullum igitur dubium esse potest, quin blandae naturae sit bilis, et ad actionem intestinorum ciendam potissimum inserviat.

An chylus est nova productio, scilicet, *tertium quid*, quod ex fermentatione oritur; an tantum est nova combinatio principiorum antea existentium, sed alia forma, in ingestis alimentis? Posteriores quaestiones partem

am-

amplector, quae ex quibusdam considerationibus probabilior mihi videtur.

Omnis fermentationis plus vel minus pelucida est productio; chylus autem album est fluidum. Chyli constituentes partes ex alimentorum analysi dantur; inde saltem concludi potest, non necessariam esse fermentationem. Producitur chylus ex quavis alimentari substantia, simplici vel composita, animali vel vegetabili; fermentatio autem fermentantes substantias diversae naturae requirit. Impregnari potest chylus pro natura alimentorum quae in usum recipimus; verum per fermentationem plerumque evanescit omnis impregnatio.

Exposita digestionis doctrina, qualis sese offert in bona corporis valetudine; quaedam dicenda supersunt de iis affectionibus quae eam laesam esse ostendunt; nec non de iis remediis quae illi opem ferre possunt.

Ac primum, cibi appetitus ipse plurimis et maximis deviationibus a sano statu obnoxius est. Praeter modum augetur quandoque, ut fit in *bulimo*, *fame canina*, &c.

*Buli-*

\* *Bulimus* dicitur, cum famem non satiatam animi deliquium sequitur; *fames canina*, ubi voracius ingesta cito revomuntur. *Fames lupina*, ubi celeriter ano rursus expelluntur. Horum causae quodammodo intelligi possunt ex iis quae de *fame* supra dixi.

Imminuitur, aut prorsus aboletur, in *dy-surexia*, *anorexia*, &c. vel, ob propriam affectionem ventriculi, ex foedis ejus contentis, ex nimia saburrae copia, muci, &c. ex atonia ipsius ventriculi. Vel ob affectionem partium quae per consensum cum ventriculo connectuntur, cerebri, scilicet, genitalium, abdominalium viscerum, articulationum, ut in arthritide. Ex extremorum vasorum atonia, ut in frigido febris stadio.

Tandem cibi appetitus depravari potest, ut fit in *malacia*, (v. g.) *pica*, &c. *Malacia* fastidio aliorum ciborum addit appetentiam vix superabilem, ac voracitatem ad certum edulii genus determinatam. *Pica* absurda, inusitata, nec esui apta, immo etiam horribilia, concupiscet ac avide devorat. Hi morbi  
autem,

\* Gaubii pathologia.





mentis contento ac fixo qui nunc extricatur. Si autem debilitatus est ventriculus, vel deficiunt fluida, ille aër non eadem facilitate ac olim rursus absorbebitur; igitur remanebit extricatus, et pro quantitate plus vel minus inflabit stomachum, donec per orificia constricta exitum sibi faciat, non tamen sine strepitu.

*Ructus plerumque acidi.* Hoc debilem actionem ventriculi indicat; etenim, si alimenti solutio non rite perficitur, diutius in ventriculo detinebuntur ingesta, cujus ex calore nascetur fermentativus processus, et saepe ad acidum usque progredietur.

*Ruminatio* est solidiorum alimenti partium e ventriculo ad os retrogradus motus. Occurrit in brutis, nec perturbata tamen concoctione, placide tantum manducationem redintegrant. In corpore humano autem tale nunquam accidit, nisi fiat difficilior solutio. Etenim, inter digestionem, solidiores partes super eas jam ad fluidam formam redactas fluctuant; si vero fibrae ventriculi tonum amiserint, inordinatus fiet earum motus, graviores partes forsan ad inferius, leviores

ores autem, solidiores nempe, per superius orificium ventriculi sursum propellentur: huic addi potest extricatus aër, qui cum quodam impetu eas in altum sublevabit.

*Cardialgia.* Hic vulgo intelligitur quaecunque ventriculi affectio dolorem afferens. Strictius autem significat molestantem sensationem superius orificium ventriculi afficientem, ex acrimonia quavis insolita illi applicata, praesertim si sit aucta ejus sensibilitas, ut fit cum muco proprio orbatur.

*Gastrodynia* cujusdam partis ventriculi spasmodica affectio esse videtur; hic spasmus autem ab atonia originem ducit.

*Alvus plerumque adstricta.* Hic ab atonia totius alimentaris canalis procul dubio oritur. Ejus contenta enim muscularium fibrarum actione peristaltice propelluntur, quae actione deficiente, ulterius progredi nequeunt.

Nunc quid eam atoniam, vel muscularium fibrarum debilitatem, inducere valeat, inquirendum.

Dyspepsiae remotae causae, vel in ventriculo ipsum immediate agunt, vel per consensum,



ſenſum, in alias partes, immo totum ſyſtem primarie agendo; de priori modo tantum loquar.

*Sedativorum nimius uſus* inter eas vires debilitantes recenſeri poteſt. *Sedativa* ea ſunt quae nervoſi ſyſtematis energiam minuerent valent. Haec ventriculi fibris applicata, quae frequentius et largiori quantitate, eo magis earum vigorem minuent, donec earum actionem tandem prorſus perturbent. Plurima ea ſedativa facultate gaudent, quae hic ſingulatim conſiderare longius eſſet.

*Stimulantia* dicuntur, ea quae ſyſtematis nervoſi excitant energiam. Eorum actio vel mechanica, vel chemica eſt. Lege noſtra ſyſtematis excitamentum ſemper ſequitur collapsus; ſic ſtimulantium uſui ſuccedet debilitas, eo major quo frequentior fuerit ſtimulantium applicatio, et quo fortiores fuerint ſtimuli.

*Relaxantia*, inter quae eminent liquores calidi, theoria experientiaque confirmantur. Conſiſtit enim fibrarum tonus in quadam rigiditate. Quid autem aptius erit ad eam deſtruendam, quam calor et humor conjuncti

ti? Ac sane, longe frequentius occurrit dyspepsia a tempore quo *theae* usus tam generaliter invaluit.

*Ventriculi nimia distentio.* Haec causa satis est evidens. Elasticum corpus, si diutius ultra tonum distrahitur, ac postea relaxatur, non eadem vi ac antea sese contrahet. Idem de ventriculo dici potest, et quidem illustratur helluonum exemplo, de quibus supra.

Praeter solidorum atoniam; peccare possunt secreta fluida quae ad digestionem requiruntur; vel qualitate, vel quantitate deficere possunt. Saliva, verbi gratia, si deficit, vel si qualitate vitatur, non potest quin quodammodo perturbetur digestio. Hoc experientia confirmat; ii enim qui nimis expuunt salivam aciditate in ventriculo, anorexia, &c. laborant. *Bilis*, si nimia quantitate fecernatur, violento motu inordinatoque agitabuntur intestina; inde *cholera morbus*. Contra vero, si deficit, solito stimulo deficiente, alvus adstricta fiet.

De digestionis pathologia paucis dictis, ad remedia nunc devenio. Praecipua symptomata ad atoniam retuli; corrigenda est igitur



igitur atonia. Sed, priusquam id aggrediamur, omnigena colluvies quae colligitur in ventriculo fit necessario abluenda. Exhibendum est emeticum, quod plenam vomitionem excitet. Efficitur vomitus motibus spasmodicis faucium, aesophagi, ventriculi, intestinorum, diaphragmatis, musculorum abdominalium inter sese conspirantium; quum vero vomitus causae eadem vi non semper agant, non credendum omnium quas enumeravi partium actionem in omni casu requiri; ventriculi, diaphragmatis, et musculorum abdominalium ope tantum, plerumque peragitur.

Ad vomitionem irritamenta poene sunt innumera; sed plus vel minus fortiter agunt, pro varia systematis irritabilitate. Interdum forsan stimulo, saepissime autem sedanti vi, agere videntur; quod constanti experientia confirmari potest.

Praeter evacuationem ope emetici impetratam, muscularis actio magnopere excitatur, emulgentur pancreatici biliaresque ductus, &c.

Parum



Parum interest quomodo excitetur vomitus. Aqua tepida sola saepe sufficiet; aliter, nihil obstat quin quaedam ingrata amara ei adjungantur, seu quaevis alia stimulans substantia.

Praestat autem *tartarum emeticum*; tutius certiusque ventriculum evacuat, et quemvis effectum optatum dare potest pro quantitate administrata; vel nauseam tantum, vel vomitionem plenam inducit, immo etiam intestinorum et aliorum viscerum abdominalium actionem excitat.

Nunc ad tonum ventriculo reddendum progredimur, per applicationes ad ventriculum ipsum, vel ad universum systema. *Stimulantia* primum tentari possunt, *aromata*, scilicet, *fossilia acida*, &c. Haec, ventriculi actionem ciendo, muci et gastrici succi secretionem augendo, digestionem multum favent; sed, cum repetitione vim stimulantem amittant stimuli, et ut, jam dixi, collapsu in eadem proportione ac excitamento semper stipentur, ad stabilioris effectus remedia recurrendum est.

*Tonica,*

*Tonica*, nempe, *amara*, et *metallicae praeparationes*. Inter *amara* eminet *cortex Peruvianus*; ex *amara* cum *aromatica substantia* conjuncta constare videtur; adstringenti qualitate insigni pollet. Non inter omnes convenit de ejus modo operandi; alii contendunt, illum agere in fluida, alii vero affirmant, ac fere demonstrant, ejus primariam ac praecipuam operationem esse in systema nervosum.

Nulla pharmaceutica praeparatio hic requiritur; hujus medicamenti virtus multo insignior erit, si immutatum administratur, sed vino tantummodo commixtum. Haud quidem expectandum est, debilem stomachum largam quantitatem absque molestia recipere posse; idcirco parvis sed repetitis dosibus ingurgitandum est.

*Metallicae praeparationes quaedam*, inter quas *chalybeiae* eligendae veniunt; *chalybs* enim *tonica vi* et *corroboranti* gaudet. Si parva quantitate adhibeatur, tutum est remedium, lentum autem. Ejus efficacissima exhibitio in *mineralibus aquis* esse dicitur; quam-



quamvis in earum efficaciam tam acriter infurrexit ornatus vir \*.

*Aqua frigida* sola potens est tonicum, et quod plus est, facile ac sine magno sumptu comparatur.

Frustra tamen reficietur stomachus per medicamenta, si non in alteram partem tale regimen observatur quod cum iis concurrere possit.

A remotis causis, quantum fieri potest, cavendum; acescentia edulia sedulo vitanda; ea tantum quae jam fermentationis sufficientem gradum subierunt, nec non ignis actionem, absque periculo sumi possunt. Idem est de potu; aqua pura, in genere, ut supra dixi, optimus est potus; sed, si ad magis pungentes liquores pellitur animus, fortiora ac generosiora vina anteponenda sunt; his enim inest satis magna alcoholis proportio, qui ulteriori fermentationi resistere valet. Ea cerevisiae species, *porter* dicta, innoxia est etiam. Potus autem qui optime huic morbo convenire videtur, utpote ab omni fermentatione

\* Mr Martineau, in a dissertation on *mineral waters*, read before the medical society last winter.



mentatione omnino securus, aqua est cum spirituum ardentium parva quantitate commixta.

Superfunt ea tonica quae in universum systema operantur, scilicet *frigus* et *exercitatio*.

Optima frigoris administratio per balneum fit. Mirifice systema corroborat, extremorum valorum actionem stimulat, perspirationem promovet, appetitum acuit, &c.

Observatur, hiemem dyspepsia laborantibus in genere esse inimicam; inde concludunt quidam, noxium esse frigus; hoc autem coeli vicissitudinibus, ea tempestate tam frequentibus, potius tribuendum mihi videtur.

Omnia tandem ad perfectionem perducenda sunt *exercitationis* ope, sine qua vix quidquam in valetudinem proficeretur. Moderata exercitatione utendum, nec ad lassitudinem usque. Id genus exercitationis hic accommodatissimum est *gestatio*; sub qua *vectio*, *equitatio*, *navigatioque*, considerari possunt: Non mihi tempus est uniuscujusque commoda incommodaque seorsim investigare; *equitationem* vero, cum mihi ante omnia

nia

nia arrideat, non possum quin sedulo prae-  
cipiam; in ea enim conjunguntur utilitas  
atque voluptas; ejusmodi est exercitatio ut  
ad arbitrium geri, nec non ad quamvis cir-  
cumstantiam accommodari queat.

## D I X I

